

影印
文淵閣

四庫全書

影印

文淵閣四庫全書

第二五八冊

北京出版集團公司
北京出版社

本冊目次

宋

附考

書(二)

證

梁

沈

約撰

清

萬承蒼等撰

.....

一

欽定四庫全書

史部
宋書卷四十二

詳校官編修臣李潢

洗馬臣王坦修覆勘

覆校官助教臣金學詩

校對官助教臣黃昌提

謄錄監生臣師道隆

欽定四庫全書

宋書卷四十一

梁

沈

約

撰

列傳第一

后妃

帝祖母號太皇太后母號皇太后妃號皇后漢舊制也

晉武帝採漢魏之制置貴嬪夫人貴人是為三夫人位

視主公淑妃淑媛淑儀修華修容修儀婕妤容華克華

欽定四庫全書

宋書
卷四十一

是為九嬪位視九卿其餘有美人才人爵視千石

以下高祖受命省二才人其餘仍用晉制貴嬪魏文帝

所制夫人魏武帝初建魏國所制貴人漢光武所制淑

妃魏明帝所制淑媛魏文帝所制淑儀修華晉武帝所

制修容魏文帝所制修儀魏明帝所制婕妤容華前漢

舊號克華晉武帝所制美人漢光武所制世祖孝建三

年省夫人修華修容置貴妃位比相國進貴嬪位比丞

相貴人位比三司以為三夫人又置昭儀昭容昭華以

代修華修儀修容又中才人充衣以為散位昭儀漢元

帝所制昭容世祖所制昭華魏明帝所制中才人晉武

帝所制充衣前漢舊制太宗泰始元年省淑妃昭華中

才人充衣復置修儀修容才人良人三年又省貴人置

貴姬以備三夫人之數又置昭華增淑容承徽列榮以

淑媛淑儀淑容昭華昭儀昭容修華修儀修容為九嬪

婕妤容華充華承徽劉榮凡五職班亞九嬪美人中才

人才人三職為散役其後太宗留心後房擬外百官備

欽定四庫全書

宋書

卷四十一

二

位置內職列其名品于後

後宮通尹

準錄尚書

紫極戶主

光興戶主

官品第一

各置一人
並銓六宮

後宮劉叙

準尚書令銓六宮

紫極中監尹

銓六宮

光興中監尹

銓六宮

宣融戶主

銓六宮

紫極房帥

置一人

光興房帥

置一人

官品第二 各置一人

後宮司儀

準左僕射銓人士

後宮司政

準右僕射銓人士

叅議女林

準銀青光祿銓人士

中臺侍御尹

銓六宮

宣融便殿中監尹

銓六宮

欽定四庫全書

宋書

卷四十一

三

采蘋房主

銓六宮

南房主

銓六宮

中藏女典

銓六宮

典坊

銓六宮

樂正

銓六宮

內保

銓人士

學林祭酒

銓人士

昭陽房帥

置一人

徽音房帥

置一人

宣融房帥

置一人

官品第三 各置一人

後宮都掌治職

置二人

準左右丞位比尚書銓人士

後宮殿中治職

置一人

準左氏尚書銓人士

後宮源典治職

置一人

準祠部尚書銓人士

後宮穀帛治職

置一人

準度支尚書

中傳

置一人

銓人士

欽定四庫全書

宋書
卷四十一

四

後宮校事女史

置一人

銓人士

紫極中監女史

置一人

銓人士

光興中監女史

置一人

銓人士

紫極房參事

置人無定數

銓人士有限外

宣融房參事

置人無定數

銓人士有限外

中臺侍御奏案女史

置一人

銓人士

贊樂女史

置一人

銓人士

中訓女史

置一人

銓人士

女祝史

置一人

紫極中監典

置一人

光興中監典

置一人

典樂帥

置人無定數

有限外

紫極房廉帥祭酒

置一人

光興房廉帥祭酒

置一人

宣融房廉帥祭酒

置一人

官品第四

欽定四庫全書

宋書
卷四十一

五

後宮通闕參事

置一人

景德房參事

置人無定數

銓人士

采蘋房參事

置人無定數

銓人士

南房參事

置人無定數

銓人士

內房參事

置一人

銓人士

校學女史

置一人

銓人士

後宮中房帥

置二人

後宮源典帥

置二人

後宮穀帛帥

置二人

中臺帥

置一人

中臺侍御起居帥

置二人

中臺侍御詔誥帥

置二人

斯男房帥

置一人

宣豫房帥

置一人

景德房帥

置一人

采藝房帥

置一人

欽定四庫全書

宋書
卷四十一

六

中藏帥

置一人

內坊帥

置一人

南房帥

置一人

外華房帥

置一人

招慶房帥

置一人

紫極諸房廉帥

置人無定數
有限外

紫極中監省帥

置一人

紫極殿帥

置六人

光興殿帥

置四人

徽音監帥

置一人

徽章監帥

置一人

宣融便殿中監典

置一人

清商帥

置人無定數

總章帥

置人無定數

左西章帥

置人無定數

右西章帥

置人無定數

欽定四庫全書

宋書
卷四十一

七

中厨帥

置一人

官品第五

中臺侍御執衛

置人無定數

中臺侍御監閨帥

置二人

中臺侍御監司帥

置二人

宣融便殿帥

置一人

永巷帥

置一人

後宮都掌內史

置二人

後宮殿中內史 置一人

後宮源典內史 置一人

後宮穀帛內史 置二人

後宮監臨內史 置二人

中臺侍御執法內史 置一人

中臺侍御典內史 置二人

中臺侍御節度內史 置二人

中臺侍御應內史 置六人

欽定四庫全書

宋書
卷四十一

八

紫極房內史 置一人

光興房內史 置一人

助教 置一人

綵製師 置人無定數

裝飾師 置人無定數

繡師 置人無定數

織師 置人無定數

學林館師 置一人

宮閨師 置一人

教堂師 置人無定數有限外

監解師 置人無定數

累室師 置人無定數

行病師 置人無定數

官品第六

合堂師 置二人

御清師 置一人

欽定四庫全書

宋書
卷四十一

九

監夜師 置一人

諸房禁防 置人無定數

三廂禁防 置三人

諸房廚師 各置一人

中廚廉 置三人

應閨 置六人

諸應閤 置人無定數

宮閨史 置一人

官品第七

諸房中掾

各置一人

中藏掾

各置二人

比五品勅吏

紫極供殿直俵

光興供殿直俵

總章伎俵

侍御扶持

欽定四庫全書

主衣

準二衛五品勅吏比六品

供殿左右

紫極置二十人
光興置十人

左右守藏

置四人

典樂人

比諸房禁防

作俵

比王官

供殿給使

紫極置二十人
光興置十人

典殿

置人無定數

比官人

紫極三廂給事

置十人

全堂給使

置五人

宮閨給使

置六人

比房

孝穆趙皇后諱安下邳僮人也祖彪字世範治書侍御

欽定四庫全書

史父裔字彥胃平原太守后以晉穆帝升平四年嬪孝

皇晉哀帝興寧元年四月二日生高祖其日后以產疾

殂於丹徒官舍時年二十一葬晉陵丹徒縣東鄉練壁

里雩山宋初追崇號謚陵曰興寧永初二年有司奏曰

大孝之德盛於榮親一人有慶光被萬國是以靈文寵

於西京壽張顯於隆漢故平原太守趙裔故洮陽令蕭

卓並外屬尊戚不逮休寵臣等仰述聖思遠稽舊章並

可追贈光祿大夫加金章紫綬裔命婦孫可豫章郡建

昌縣君卓命婦趙可吳郡壽昌縣君孫氏東莞人也其
年又詔曰推恩之禮在情所同故內樹宗子外崇后屬
爰自漢魏咸遵斯典外祖趙光祿蕭光祿名器雖隆茅
土未建並宜追封開國縣侯食邑五百戶於是追封裔
臨賀縣侯裔長子宣之仕至江乘令蚤卒無子以弟孫
襲之繼宣之紹封襲之卒子祖憐嗣齊受禪國除宣之
弟倫之自有傳

孝懿蕭皇后諱文壽蘭陵蘭陵人也祖亮字保祚侍御

欽定四庫全書

宋書
卷四十一

十三

史父卓字子畧洮陽令孝穆后殂孝皇帝聘后為繼室
生長沙景王道憐臨川烈武王道規義熙七年拜豫章
公太夫人高祖為宋王又加太妃之號高祖以十二年
北伐仍停彭城壽陽至元熙二年入朝因受晉禪在外
凡五年后常留東府高祖踐阼有司奏曰臣聞道積者
慶流德洽者禮備故祇敬表於崇高嘉號彰於盛典伏
惟太妃母儀之德化穆不言保翼之訓光被洪業雖幽
明同慶而稱謂未窮稽之前代禮有恒準宜式遵舊章

允副羣望臣等參受宋王太后號故有司奏猶稱太妃
也上以恭孝為行奉太后素謹及即大位春秋已高每
旦入朝太后未嘗失時刻少帝即位加崇曰太皇太后
景平元年崩於顯陽殿時年八十一遺令曰孝皇背世
五十餘年古不祔葬且漢世帝后陵皆異處今可於塋
域之內別為一壙孝皇陵墳本用素門之禮與王者制
度奢儉不同婦人禮有所從可一遵往式乃開別壙與
興寧陵合墳初高祖微時貧約過甚孝皇之殂葬禮多

欽定四庫全書

宋書
卷四十一

十三

闕高祖遺旨太后百歲後不須祔葬至是故稱后遺旨
施行卓初與趙裔俱贈金紫光祿大夫又追封封陽縣
侯妻下邳趙氏封吳郡壽昌縣君卓子源之襲爵源之
見子思話傳

武敬臧皇后諱愛親東莞人也祖汪字山甫尚書郎父
雋字宣又郡功曹后適高祖生會稽宣長公主興弟高
祖以儉正率下后恭謹不違及高祖興復晉室居上相
之重而后器服麤素不為親屬請謁義熙四年正月甲

午殂於東城時年四十八追贈豫章公夫人還葬丹徒高祖臨崩遺詔留葬京師於是備法駕迎梓宮祔葬初寧陵宋初追贈雋金紫光祿大夫妻高密叔孫氏封永陵平鄉君雋子燾燾弟熹子質自有傳

武帝張夫人諱闕不知何郡縣人也義熙初得幸高祖生少帝又生義興恭長公主惠媛永初元年拜為夫人少帝即位有司奏曰臣聞嚴親敬始所因者本充孝之道由中被外伏惟夫人德並坤元徽音光劭發祥兆慶

欽定四庫全書

宋書

卷四十一

十四

誕啓聖明宜崇極徽號允備盛則從春秋母以子貴之義遵漢晉推慶之典禮上尊號為皇太后宮曰永樂少帝既廢太后還璽紱隨居吳縣太祖元嘉元年拜營陽王太妃三年薨

少帝司馬皇后諱茂英河內溫人晉恭帝女也初封海鹽公主少帝以公子尚焉宋初拜皇太子妃少帝即位立為皇后元嘉元年降為營陽王妃又為南豐王太妃十六年薨時年四十七

武帝胡婕妤諱道女淮南人義熙初為高祖所納生文帝五年被譴賜死時年四十二葬丹徒高祖踐阼追贈婕妤太祖即位有司奏曰臣聞德厚者禮尊慶深者位極故閼宮既構咏歌先妣園陵崇衛聿追來孝伏惟先婕妤柔明塞淵光備六列德昭坤範訓洽母儀用能啓祚聖明奄宅四海嚴親莫逮天祿永違臣等遠準春秋近稽漢晉謹上尊號曰章皇太后陵曰熙寧立廟於京師太后兄子元慶位至奉朝請

欽定四庫全書

宋書

卷四十一

十五

文帝袁皇后諱齊嬀陳郡陽夏人左光祿大夫敬公湛之庶女也母本卑賤后年至六歲方見舉後適太祖初拜宜都王妃生子劭東陽獻公主英娥上侍后恩禮甚篤袁氏貧薄后每就上求錢帛以贍與之上性節儉所得不過三五萬三五匹後潘淑妃有寵愛傾後宮咸言所求無不得后聞之欲知信否乃因潘求三十萬錢與家以觀上意信宿便得因此恚恨甚深稱疾不復見上上每入必他處回避上數掩伺之不能得始興王濬

諸庶子問訊后未嘗視也后遂憤恚成疾元嘉十七年疾篤上執手流涕問所欲言后視上良久乃引被覆面崩於顯陽殿時年三十六上甚相悼痛詔前永嘉太守顏延之為哀策文甚麗其辭曰龍輶纒紵容翟結駟皇塗昭列神路幽嚴皇帝親臨祖饋躬瞻宵載飾遺儀於組紉想祖音乎珎珎悲黼筵之移御痛翬綸之重晦降輿客位撒奠殯階乃命史臣誄德述懷其辭曰倫昭麗昇有物有憑圓精初鑠方祗始凝昭哉世族祥發慶

膺祕儀景曾圖光玉繩昌輝在陰柔明將進率禮蹈和稱詩納順爰自待年金聲夙振亦既有行素章增絢象服是加言觀惟則俾我王風始基嬪德蕙問川流芳猷淵塞方江泳漢再謠南國伊昔不造洪化中微用集賢命仰陟天機釋位公宮登耀紫闈欽若皇姑允迪前徽孝達寧親敬行宗祀進思才淑傍綜圖史發音在咏動容成紀壺政穆宣房樂昭理坤則順成星軒潤飾德之所屆惟深必測下節震騰上清眇側有來斯雍無思不

極謂道輔仁司化莫晰象物方臻眊祲告沴大和既融收華委世蘭殿長陰椒塗弛衛嗚呼哀哉戒涼在律杪秋即空霜夜流唱曉月升魄八神誓引五輅遷迹噉噉儲嗣哀哀列辟灑零玉墀雨泗丹掖撫存悼亡感今懷昔嗚呼哀哉南背國門北首山園僕人案節服馬顧轅遙酸紫蓋眇泣素軒滅綵清都夷體壽原邑野淪藹戎夏悲嗷來芳可述往駕弗援嗚呼哀哉策既奏上自益撫存悼亡感今懷昔八字以致其意焉有司奏謚宣皇

后上特詔曰元初后生劬自詳視之馳白太祖此兒形貌異常必破國亡家不可舉便欲殺之太祖狼狽至后殿戶外手撥幔禁之乃止后亡後常有小小靈應沈美入者太宗所生也嘗以非罪見責應賜死從后昔所住徽音殿前度此殿有五間自后崩後常閉美人至殿前流涕大言曰今日無罪就死先后若有靈當知之殿諸窻戶應聲豁然開職掌遽白太祖太祖驚往視之美人乃得釋大明五年世祖詔曰昔漢道既靈博平輝絕魏

國方安嘉憲啓策皆因心所弘酌典沿誥亡外祖親王夫人柔德淑範光啓坤載屬內位闕正攝饋閨庭儀被芳聞聞宣戚里永言感遠思追榮秩宜式傍鴻則敬登徽序乃追贈豫章郡新淦縣平樂鄉君后之所生母也又詔趙蕭臧光祿袁敬公平樂郡君墓先未給塋戶加世數已遠循嗣哀陵外戚尊屬不宜使墳塋蕪穢可各給蠶戶三以供灑掃后父湛之自有傳

文帝路淑媛諱惠男丹陽建康人也以色貌選入後宮

欽定四庫全書

宋書

卷四十一

六

生孝武帝拜為淑媛年既長無寵常隨世祖出蕃世祖入討元凶淑媛留尋陽上即位遣建平王宏奉迎有司奏曰臣聞歷集周邦徽音充嗣氣淳漢國沙麓發祥昔在上代業隆昨遠未有不敷陰教以闡洪基膺淑慶以載聖哲者也伏惟淑媛柔明內昭徽儀外範合靈初迪則庶姬仰耀引訓蕃聞則家邦被德民應惟和神屬惟祉故能誕鍾敵躬用集大命固靈根於既殞融盛烈乎中興載厚化深聲詠允緝宜式諧舊典恭享極號奉尊

號曰皇太后宮曰宗憲太后居顯陽殿上於閨房之內

禮敬甚寡有所御幸或留止太后房內故民間諠然咸有醜聲宮掖事祕莫能辨也孝建二年追贈太后父興之散騎常侍興之妻徐氏餘杭縣廣昌鄉君大明四年太后弟子撫軍叅軍瓊之上表曰先臣故懷安令道慶賦命乖辰自違明世敢緣衛戍請名之典特乞雲雨微乖灑潤詔付門下有司承旨奏贈給事中瓊之及弟休之茂之竝超顯職太后頗豫政事賜與瓊之等財物家

欽定四庫全書

宋書

卷四十一

十九

累千金居處服器與帝子相侔瓊之宅與太常王僧達竝門嘗盛車服衛從造僧達僧達不為之禮瓊之以訴太后太后大怒告上曰我尚在而人皆陵我家死後乞食矣欲舉僧達上曰瓊之年少自不宜輕造詣王僧達貴公子豈可以此事加舉大明五年太后隨上巡南豫州妃主以下竝從廢帝即位號太皇太后太宗踐阼號宗憲太后初太宗少失所生為太后所攝養太宗盡心祇事而太后撫愛亦篤及上即位供奉禮儀不異舊日

有司奏曰夫德敷於內典章必遠化覃於外徽號宜宣
伏惟皇太后懿聖自天母儀允著義明八遠道變九圍
聖明登御景祚攸改皇太后宜即前號別居外宮詔曰
朕備丁艱罰蚤嬰孤苦特蒙宗憲太后聖訓撫育昔在
藩闈常奉藥膳中迫凶威抱懷莫遂今泰運初啓情典
獲申方欲親奉晨昏盡歡閨禁不得如所奏尋崩時年
五十五遷殯東宮門題曰宗憲宮上又詔曰朕幼集荼
蓼夙憑德訓龕藏定業寶資仁範恩著屯夷有兼常慕

欽定四庫全書

宋書
卷四十一

三

夫禮沿情施義循事立可特齊衰三月以申追仰之心
謚曰昭皇太后葬世祖陵東南號曰修寧陵先是晉安
王子勛未卒巫者謂宜開昭太后陵以為厭勝修復倉
卒不得如禮上性忌慮將來致災泰始四年夏詔有司
曰崇憲昭太后修寧陵地大明之世久所考卜前歲遭
諸蕃之難禮從權宜奉營倉卒未暇營改而塋隧之所
山原卑陋頃年積壤日有滋甚恒費修整終無永固且
詳考地形殊乖相勢朕蚤蒙慈遇情禮兼常思使終始

之義載彰幽顯史官可就巖山左右更宅吉地明審龜
筮須選令辰式遵舊典以禮殯制今中寓雖寧邊虜未
息營就之功務在從簡舉言尋悲情如切割有司奏北
疆未緝戎役是務禮之詳畧各沿時宜臣等參議修寧
陵玄宮補治毀壞權施油殿暫出梓宮事畢即窆於事
為允詔可瓊之為衡陽內史先后卒廢帝景和中以休
之為黃門侍郎茂之左軍將軍竝封開國縣侯邑千戶
又追贈興之侍中金紫光祿大夫謚曰孝侯道慶散騎

欽定四庫全書

宋書
卷四十一

三

常侍光祿大夫開府儀同三司謚曰敬侯立道慶女為
皇后以休之為侍中茂之黃門郎太宗廢幼主欲說太
后之心乃下令書曰太皇太后蚤承愛遇沿情即事同
於天屬前車騎咨議參軍路休之前丹陽丞路茂之崇
憲密戚蚤延榮貴並懷所勲宜殊恒飾休之可黃門侍
郎領步兵校尉茂之可中書侍郎太宗未即位故稱令
書茂之又遷司徒從事中郎休之桂陽王休範鎮北咨
議參軍太宗殺世祖諸子因此陷休之等宥其諸子

孝武文穆王皇后諱憲娘琅邪臨沂人元嘉二十年拜
武陵王妃生廢帝豫章王子尚山陰公主楚玉臨淮康
哀公主楚佩皇女楚琇康樂公主修明世祖在蕃后甚
有寵上入伐凶逆后留尋陽與太后同還京都立為皇
后大明四年后率六宮躬桑於西郊皇太后觀禮上下
詔曰朕卜祥大昕測辰拂羽爰詔六宮親蠶川室皇太
后降鑾從御佇蹕觀禮綠遽既具玄統方修庶儀發椒
闈化動中縣妃主以下可量加班錫廢帝即位尊曰皇

欽定四庫全書

宋書
卷四十一

三

太后宮曰永訓其年崩於含章殿時年三十八祔葬景
寧陵后父偃字子游晉丞相導玄孫尚嘏之子也母晉
孝武帝女鄱陽公主宋受禪封永成君偃尚高祖第二
女吳興長公主諱榮男少歷顯官黃門侍郎祕書監侍
中元嘉末為散騎常侍右衛將軍世祖即位以后父授
金紫光祿大夫領義陽王師常侍如故遷右光祿大夫
常侍王師如故偃謙虛恭謹不以世事闕懷孝建二年
卒時年五十四追贈開府儀同三司本官如故謚曰恭

公長子藻位至東陽太守尚太祖第六女臨川長公主
諱英媛公主性妒而藻別愛左右人吳崇祖前廢帝景
和中主譏之於廢帝藻坐下獄死主與王氏離婚泰始
初以主適豫章太守庾沖遠未及成禮而沖遠卒宋世
諸主莫不嚴妒太宗每疾之湖孰令袁淑妻以妒忌賜
死使近臣虞通之撰妒婦記左光祿大夫江湛孫敷當
尚世祖女上乃使人為敷作表讓婚曰伏承詔旨當以
臨海公主降嬪榮出望表恩加典外顧審輜蔽伏用憂

欽定四庫全書

宋書
卷四十一

三

惶臣寒門願族人凡質陋問閭有對本隔天姻如臣素
流室貧業寡年近將冠皆已有室荆釵布裙足得成禮
每不自解無偶迄茲謀訪莫尋素族弗問自惟門慶屬
降公主天恩所覃容及醜末懷憂抱惕慮不獲免徵命
所當果膺茲舉雖門泰宗榮於臣非幸仰緣聖貸冒陳
愚實自晉氏以來配上王姬者雖累經美曹亟有名才
至如王敦懾氣桓溫斂威真長佯愚以求免于敬炙足
以違詔王偃無仲都之質而保露於北階何瑀闕龍工

之姿而投軀於深井謝莊殆自同於矇室殷冲幾不免於彊鉏數人者非無才意而執屈於崇貴事隔於聞覽吞悲茹氣無所逃訴制勒甚於僕隸防閑過於婢妾往來出入人理之常當賓待客朋友之義而令掃轍息駕無關門之期廢筵抽席絕接對之理非唯交友離異乃亦兄弟踈濶第令受酒肉之賜制以動靜監子荷錢帛之私節其言笑姆姊爭媚相勸以嚴妮媼競前相諂以急第令必凡庸下才監子皆葭萌愚豎議舉止則未閑

欽定四庫全書

宋書
卷四十一

三十四

是非聽言語則謬於虛實姆姊敢恃耆舊唯贊妒忌尼媼自倡多知務檢口舌其間又有應答問訊卜筮師母乃至殘餘飲食詰辯與誰衣被故敝必責頭領又出入之宜繁省難衷或進不獲前或入不聽出不入則嫌於欲疏求出則疑有別意召必以三晡為期遣必以日出為限夕不見晚魄朝不識曙星至於夜步月而弄琴畫拱袂而披卷一生之內與此長乖又聲影纔聞則少婢奔迸裾袂向席則老醜叢來左右整刷以疑寵見嫌賓

客未冠以少容致斥禮則有劉騰象則有貫魚本無媼

嫡之嫌豈有輕婦之誚況今義絕旁私虔恭正匹而每事必言無儀適設辭輒言輕易我又竊聞諸主集聚唯論夫族緩不足為急者法急則可為緩者師更相扇誘本其恒意不可貸借固實常辭或言野敗去或言人笑我雖家曰私理有甚王憲發口所言恒同科律王藻雖復彊佞頗經學涉戲笑之事遂為冤魂褚暉憂憤用致天絕傷理害義難以具聞夫螽斯之德實致克昌專妒

欽定四庫全書

宋書
卷四十一

三十五

之行有妨繁衍是以尚主之門往往絕嗣駙馬之身通離釁咎以臣凡弱何以克堪必將毀族淪門豈伊身胄前後嬰此其人雖衆然皆患彰遐邇事融天朝故吞言咽理無敢論訴臣幸屬聖明矜照由道弘物以典處親以公臣之鄙懷可得自盡如臣門分世荷殊榮足守前基便預提拂清官顯宦或由才升一叨婚戚咸有恩假是以仰冒非宜披露丹實非唯止陳一己規全身願實乃廣申諸門憂患之切伏願天慈照察特賜蠲停使燕

崔微羣得保叢蔚蠱物念生自己彌篤若恩詔雖降披請不申便當刊膚剪髮投山竄海太宗以此表徧示諸主於是臨川長公主上表曰妾遭隨奇薄絕於王氏私庭囂戾致此分異今孤疾熒然假息朝夕情寄所鍾唯在一子契濶茶炭特兼憐愍否泰枯榮繫以為命實願中其門豐還為母子推遷僂俛未及自聞先朝慈愛鑑妾丹衷若賜使息徹歸第定省仰揆天旨或有可尋今事迫誠切不顧典憲敢緣恩燾觸冒披聞特乞還身王

欽定四庫全書

宋書

卷四十一

三六

族守養弱嗣雖死之日實甘於生許之藻弟懋昇明末貴達懋弟攸太宰從事中郎蚤卒追贈黃門侍郎弟臻昇明末顯宦

前廢帝何皇后諱令婉廬江潯人也孝建三年納為皇太子妃大明五年薨於東宮徽光殿時年十七葬

闕

諡曰獻妃上更為太子置內職二等曰保林曰良娣納南中郎長史太山羊瞻女為良娣宜都太守袁僧惠女為保林廢帝即位追崇獻妃曰獻皇后太宗踐阼遷后

與廢帝合葬龍山北后父瑀字稱玉晉尚書左僕射澄曾孫也祖融大司農瑀尚高祖少女豫章康長公主諱欣男公主先適徐喬美容色聰敏有智數太祖世禮待特隆瑀豪競於時與平昌孟靈休東海何勗等竝以與馬驕奢相尚公主與瑀情愛隆密何氏外姻疏戚莫不沾被恩紀瑀歷位清顯至衛將軍大明八年公主薨瑀墓開世祖追贈金紫光祿大夫加散騎常侍子邁尚太祖第十女新蔡公主諱英媚邁少以貴戚居顯宦好犬

欽定四庫全書

宋書

卷四十一

三七

馬馳逐多聚才力之士有墅在江乘縣界去京師三十里邁每游履輒結駟連騎武士成羣大明末為豫章王子尚撫軍咨議參軍加寧朔將軍南濟陰太守廢帝納公主於後宮偽言薨殞殺一婢送出邁第殯葬行喪禮常疑邁有異圖邁亦招聚同志欲因行幸廢立事覺廢帝自出討邁誅之太宗即位追封建寧縣侯食邑五百戶子曼倩嗣齊受禪國除瑀兄子亮孝建初為桂陽太守丞相南郡王義宣為逆遣參軍王師壽斷桂陽道以